

दिनांक : 23.03.2026

समय : 18.45 बजे

आकाशवाणी जयपुर-अजमेर  
प्रादेशिक समाचार

- प्रधानमंत्री नरेन्द्र मोदी आज लोकसभा मांय कह्यो-पश्चिम एशिया मांया चाल रह्या संघर्ष रे बावजूद भारत मांय ऊर्जा हिफाजत रो कोई संकट नी।
- देश मांय ty thou fe'ku रे तैत 16 करोड़ ऊँ बत्ती घरां मांय नल री मार्फत पाणी पूगायी ज्यो।
- राजस्थान माध्यमिक शिक्षा बोर्ड काले दसवीं कक्षा रा नतीजा ऐलाण करेला।
- प्रदेश रा आगूणी हलकां मांय केई ठौड़ां हल्की बिरखा-दिन अर रात रो तापमान अजै ई सामान्य ऊँ नीचे।

000

प्रधानमंत्री नरेन्द्र मोदी कह्यो है के पश्चिम एशिया मांय चाल रिया संघर्ष रे बावजूद भारत मांय ऊर्जा हिफाजत रो कोई कष्ट नी है। श्री मोदी आज आज लोकसभा मांय पश्चिम एशिया संघर्ष माथे बयान देवता। ई मुद्दे माथे भारत रो नजरियों साफ करता श्री मोदी कह्यो के देश मांय पेट्रोल अर डीजल री सप्लाई बरोबर चाल री है।

श्री मोदी कह्यो के ई चिंता जोग हालत मांय देश अर विदेश मांय रहवण वाळा भारतीयों री हिफाजत सरकार री ठावी प्राथमिकता री है।

प्रधानमंत्री कह्यो के भारत आप री एलपीजी री 60 फीसदी री जरूरत रो आयात करे है। वणा कह्यो के सप्लाई मांय गड़बडी रे कारण सरकार घरू इस्तमाली एलपीजी मुहैया करावणो तैय करण रे साथै-साथै इण रा उत्पादन ने बधावण सारू ई काम कर्यो है।

000

लोकसभा कॉर्पोरेट कानून (संशोधन) विधेयक, 2026 ने आगे री जांच सारू भेळी संसदीय समिति ने भेजण ने मंजूरी दे दी है। आज लोकसभा मांय विधेयक पेश करण रे पछे, वित्त मंत्री निर्मला सीतारामन विगतवार विश्लेषण सारू इण ने जेपीसी ने भेजण रो प्रस्ताव राख्यो। ई विधेयक रो मकसद सीमित देयता भागीदारी अधिनियम, 2008 अर कंपनी अधिनियम, 2013 मांय संशोधन करणो है।

0000

आवासन अर शहरी कार्य मंत्री मनोहर लाल कह्यो है के देश भर मांय साफ सार्वजनिक परिवहन ने मजबूत करण सारू ih,e Å&cI lok igy सरू करी ज्यी है। राज्यसभा मांय प्रश्नकाल रे दौरान केंद्रीय मंत्री कह्यो के इण रे तैत लारला मीना 225 इलेक्ट्रिक बसां रा पैला बैच री सप्लाई करी जा चुकी है।

ई योजना री कुल लागत कोई 58 हजार करोड़ रुपया री है। इण मांय केंद्र सरकार 20 हजार करोड़ रिप्यां री मदद दे री है।

000

संसद रो दोन्यू सदना आज स्वतंत्रता सेनानी अर क्रांतिकारी भगत सिंह, राजगुरु अर सुखदेव ने वां रा 'kglnh fno l' माथे श्रद्धांजलि अर्पण करी। इस दौरान लोकसभा अध्यक्ष ओम बिरला कह्यो के आ वीर सेनानियां छोटी उम्र मांय ई देश री आजादी सारू ठावो बलिदान दियो। वणा कह्यो के आपा आ महान सपूतां री शहादत ने नमन करा हा।

शहीद दिवस रे मौके आज प्रदेश भर मांय न्यारा-न्यारा कार्यक्रम व्ह्या। युवा कार्यक्रम अर खेल मंत्रालय रा 'ek; Hkkjr\*' केंद्र कानी ऊँ सवाई माधोपुर मांय शहीद कल्याणमल शर्मा स्मारक ऊँ पदयात्रा निकाली ज्यी अर शहीद पिरवारां रो सनमान करी ज्यो। वठे ई पाली जिला रा खिंवाड़ा मांय देशभक्ति गीतां रे सागे पदयात्रा निकाली ज्यी, जिण मांय घणी तादाद मांय गांवा वाळां हिस्सो लियो। करौली मांय ई पदयात्रा निकाली ज्यी अर पैली रा सैनिकां रो सनमान करी ज्यो। आं कार्यक्रमं रे दौरान नौजवानां ने वृक्षारोपण कर ने पर्यावरण संरक्षण अर राष्ट्र निर्माण रो संकल्प लिया।

000

देश मांय जल जीवन मीशन रे तैत 16 करोड़ ऊँ बत्ती घरां मांय नळ री मार्फत पाणी पूगायी ज्यो है। जलशक्ति मंत्री सी.आर. पाटिल नुवी दिल्ली मांय विश्व जल दिवस सम्मेलन रा उद्घाटन सत्र मांय बोलता कह्यो के ओ सम्मेलन जल संरक्षण अर सतत जल प्रबन्धन माथे सुझाव अर विचारां ने साझा करण सारू मंच रा रूप मांय काम करेला। श्री पाटिल देशवासियां ऊँ पाणी बचावण अर भेळो करण री अरज करी।

000

मुख्यमंत्री भजनलाल शर्मा आज जयपुर मांय जनसुनवाई करी। वणा अहलकारां ने लोगां री समस्यावां रो तुरत निपटारो करण रा निर्देश दिया। श्री शर्मा कह्यो के राज्य सरकार रो ध्यान आखिरी कतार रा लोगां तांई जन कल्याणकारी योजनवां रो फायदो पूगावणो है। जनसुनवाई रे दौरान गांवांई विकास, खेती, शिक्षा, चिकित्सा अर राजस्व समेत न्यारा-न्यारा महकमां ऊँ जुड़ी जन समस्यावां सुणी।

000

सुप्रीम कोर्ट राजस्थान लोक सेवा आयोग रा सस्पेण्ड सदस्य बाबूलाल कटारा री अंतरिम जमानत अर्जी ने खारिज कर दिया है। न्यायमूर्ति दीपांकर दत्ता अर न्यायमूर्ति सतीश चंद्र शर्मा री पीठ ओ फैसलो सुणायो। कटारा सेकेण्ड ग्रेड शिक्ष भर्ती 2022 पेपर लीक मामला मांय आरोपी है। फरवरी मीना मांय एक मामला मांय जमानत मिलण रे बावजूद कटारा जेळा ऊँ रिहा नी वे सक्या है, क्योंकि वां माथे एस.आई. भर्ती 2021 अर प्रवर्तन निदेशालय कानी ऊँ दर्ज धन शोधन रा मामला ई चाल रह्या है। राज्य सरकार जमानत अर्जी री खिलाफत करता कह्यो के कटारा संवैधानिक ओहदा माथे रहवता आप रा रहवास ऊँ पेपर लीक कर्या।

000

राजस्थान माध्यमिक शिक्षा बोर्ड काले दसवीं कक्षा रा नतीजा ऐलाण करेला। बोर्ड रा इतिहास मांय पैली बार दसवीं रा नतीजा मार्च मीना मांय अर 12 वी कक्षा ऊँ पैला ऐलाण कर्या जा रह्या है। साथे ई कक्षा पांच अर आठवीं बोर्ड रा नतीजा ई काले ई ऐलाण कर्या जायेला। शिक्षा अर पंचायती राज मंत्री मदन दिलावर काले दोपेरा बोर्ड दफतर ऊँ नतीजा ऐलाण करेला। राज्य सरकार कानी ऊँ 1 अप्रैल ऊँ नुवा शिक्षण सत्र सुरू करण रा हुकम री पालना मांय बोर्ड ओ फैसलो लियो है। अजमेर ऊँ म्हाणी खबरनवीस बतायो के बोर्ड नतीजा ऑनलाइन काडण सारू सगळी तैयारियां पूरी कर ली है।

000

प्रदेश रा अगूणी हलका मांय आज ई हल्की बिरखा दर्ज करी ज्यी। वटे ई दूजा हलका मांय मौसम साफ रियो। आज दौसा अर भरतपुर जिलां मांय ई कठे—कठे ई हल्की ऊँ मझला दर्जा री बिरखा व्ही। इण रे अलावा जयपुर, अलवर, टोंक अर करौली समेत कुछ दूजा जिलां मांय छांटा छिडको अर हळकी बिरखा व्ही। मौसम मांय आया बदलाव रे कारण घणकरी ठौड़ां कमती अर बत्ती रा तापमान मांय सामान्य ऊँ दो ऊँ तीन डिग्री री कमी दर्ज करीजी है। मौसम केंद्र जयपुर आज अजमेर, सीकर, बूंदी, बारां, कोटा समेत केई दूजा जिला मांय तेज हवा चालण अर हल्की बिरखा होवण री आस जतायी है। केंद्र रा निदेशक राधेश्याम शर्मा बतायो के ई पूरे मीने एक रे पछे एक आथूणी विक्षोभ रा असर ऊँ लू चालण री आस कम है।

-----  
000

**jyo:** रेवाड़ी ऊँ जयपुर वाया नीमराणा ऊँ रेल मार्ग ऊँ जोडण सारू नुवी रेल लेण रा काम सारू आखिरी लोकेशन सर्वे ने मंजूरी दे री है। 191 किलोमीटर लाम्बी ई नुवी लेण रा फाइनल लोकेशन सर्वे रा काम सारू 5 करोड़ 73 लाख रिपयां रही रकम मंजूर करी है। आ रेल लेण रेवाड़ी ने नीमराना, जयपुर अर आरे—सारे रा हलकां ऊँ जोडेला। साथै ई हलका ने जयपुर कानी एक ओर नुवो संपर्क थापित व्हेला अर विकल्प रेल मार्ग मिलेला।

000

प्रधानमंत्री नरेन्द्र मोदी आकाशवाणी ऊँ हर महीना प्रसारित कर्या जावण वाळा खास कार्यक्रम “मन की बात” मांय 29 मार्च—दीतवार ने विचार बतावेला। आ ई कार्यक्रम री 132वीं कड़ी व्हेला। ई सारू आप ई मुफ्त नम्बर 1800—11—7800 माथे 27 मार्च तांई राय दे सको हो। विचार नरेन्द्र मोदी एप अर माय जीओवी ओपन फोरम रे ज़रिए ई भेजा जा सके है।

000